



Газет 1930 жылдың 10 қазанынан шыға бастады

АУДАН ТҰРҒЫНДАРЫНЫҢ НАЗАРЫНА!

Қазақстан Республикасы Президентінің 2022 жылғы 3 наурыздағы «Әкімдердің халықпен кездесулерін өткізу туралы» №826 Жарлығын іске асыру аясында, Түркістан облысының әкімі Дархан Амангелдіұлы Сатыбалдының Созақ ауданының тұрғындарымен кездесуі 2023 жылғы 17 ақпанда сағат 11.00-де Шолаққорған ауылы, Жібек-жолы көшесі №5 үй, «Мыңжылқы» мәдениет үйінде өтеді, сонымен қатар, облыс әкімінің жеке қабылдауы 2023 жылғы 17 ақпанда сағат 12.00-де аудан әкімі аппаратының ғимаратында өтеді.



Қабылдауға алдынала жазылу 8(72533) 5-98-99 байланыс телефоны және t.aki-mat@ontustik.gov.kz электронды почта арқылы 2023 жылғы 16 ақпанға дейін сағат 9-00 ден 18-30 аралығында (түскі үзіліс сағат 13.00-14.30 дейін) жүргізіледі!

Тиісті мекемелердің қатысуын қамтамасыз ету және кері байланыс орнату мақсатында өтініш берушінің аты-тегі, сұрақтың мәні, мекен-жай, байланыс телефоны және электронды почта (бар болған жағдайда) нақты көрсетілуі қажет.

К СВЕДЕНИЮ ЖИТЕЛЕЙ РАЙОНА!

В рамках реализации Указа Президента Республики Казахстан от 3 марта 2022 года №826 «О проведении встреч акимов с населением» 17 февраля 2023 года в 11-00 часов в здании дома культуры «Мыңжылқы» в селе Шолаққорған, улица Жібек-жолы №5, состоится встреча акима Туркестанской области Сатыбалды Дархан Амангелдиевича с жителями Созақского района, вместе с тем, в здании аппарата акима района 17 февраля 2023 года в 12-00 часов аким области проведет личный прием жителей района.

Предварительная запись на прием производится по телефону 8 (72533) 5-98-99 и через электронную почту t.aki-mat@ontustik.gov.kz с 9:00 часов до 18:30 часов (обеденный перерыв с 13.00 часов до 14.30 часов) до 16 февраля 2023 года.

Для обеспечения участия соответствующих учреждений и обратной связи необходимо точно изложить Ф.И.О заявителя, поднимаемый вопрос, указать адрес, телефон и электронную почту (при наличии).



Президенттің Тараз қаласына сапары

Ел Президенті Қасым-Жомарт Тоқаев «Көне Тараз» тарихи-мәдени кешеніндегі Жамбыл өңірі қолөнер шеберлерінің көрмесіне барды.

Президент алдымен «Шебер шаңырақ» мүмкіндігі шектеулі жандар қоғамдық бірлестігі, «Өшпес мұра» Жамбыл облысы қолөнер шеберлерінің қауымдастығы, «Жамбыл облысы қолөнершілер одағы» қоғамдық бірлестігі, Асыл-Дизайн» сән үйі және басқа да ұйымдар шеберлері жасаған бұйымдарды тама-

шалады. Ата-бабаларымыздан қалған жәдігерлерді халыққа насихаттайтын бір орын киелі көрмеге облыс аумағында тұратын отызға жуық қолөнер шеберінің ағаш, тері және киізден жасаған бұйымдары, қыш ыдыстар, панно, ұлттық музыкалық аспаптар, ұлттық киім үлгілері, ат әбзелдері, зергерлік бұйымдар қойылған.

Мемлекет басшысына көрсетілген «Киіз үй» инсталляциясында жастарға тоқыма, киіз басу, құрақ құрау, ұршық


иіру, сырмақ сыру және басқа да өнер түрлері бойынша шеберлік сабағы өткізілді.

Сонымен қатар көрмеде көшпенділердің заманауи әлемдік үлгіде жаңғыртылған заттары, нео-фольклор стилінде тігілген көпқасырлық дәстүрлі киімдері және дала гүлдері мен шөптерінің хош иістерінен жасалған иіссулар көрсетілді. Тағы бір айта кетер жаңалық Тараз Дүниежүзілік қолөнершілер қалалары тізіміне енгені туралы сертификат алды.

Көңіл айту жеделхатын жолдады

Мемлекет басшысы Қасым-Жомарт Тоқаев Түркияның оңтүстік-шығысында көптеген адам шығынына әкеп соқтырған жер сілкінісіне байланысты осы елдің Президенті Режеп Тайип Ердоғанға көңіл айту жеделхатын жолдады.

«Түркия Республикасында болған аса күшті жер сілкінісі салдарынан көптеген адамның қаза тапқаны туралы суыт хабарды зор күйзеліспен қабылдадым.



Осындай қиын сәтте жақындарынан айырылған отбасыларға, сондай-ақ бүкіл түрік ағайындарымыздың ауыр қайғыларына ортақтасып, Қазақстан халқының және жеке өзімнің атымнан көңіл айтамын», – деп жазылған жеделхатта.

Сонымен қатар, Президент Қазақстанның Түркияға тиісті көмек көрсетуге дайын екенін жеткізді.

ВЕТЕРИНАРИЯ САЛАСЫНА ҚОЛДАУ КӨРСЕТІЛУДЕ

Түркістан облысы ауыл шаруашылығы басқармасының «Ветеринарлық қызмет» ШЖҚ МКК басшысы Ф. Құрманбай бастаған топ ауданда болды. Сапар барысында аудан әкімі Мұхит Тұрысбековтің қабылдауында болып, ветеринария саласы бойынша аудан көлемінде 4 ауыл округінен «Бекқари» шұңқыры, 3 ауыл округтен мал өлекселерін тастайтын орын салуға конкурс өтіп жатқандығы сөз болды. Аудан басшысы Мұхит Сек-

сенбайұлы аудан халқының негізгі күн көрісі мал шаруашылығымен байланысты болған соң ветеринария саласына аса мән беріп, қолдау көрсететінін айтты. Сонымен қатар, алдағы 3 жылда кезең-кезеңімен 16 жерден мал шомылдыратын тоғыттар салуға сметалық жұмыстар жасалып жатқаны туралы тілге тиек етті.

«Созақ үні»-ақпарат.



ХАБАРЛАНДЫРУ

2023 жылдың 19 наурызына тағайындалған Созақ аудандық мәслихат депутаттығына тіркелген кандидаттар

Тегі, аты, әкесінің аты (егер ол жеке басын куәландыратын құжатта көрсетілсе)	Туған жылы	Атқаратын лауазымы (кәсібі), жұмыс орны және тұрғылықты жері	Округтік сайлау комиссиясы
Жамиева Карлыгаш Нышанбаевна	25.12.1968 ж	Созақ ауданының адами әлеуетті дамыту бөлімі мемлекеттік мекемесінің «Таукент гүлдері» бөбекжай балабақша меңгерушісі, Созақ ауданы, Таукент кенті, 2 ықшам ауданы, №31А	№14 округтік сайлау комиссиясы
Сарсенов Жасулан Жайлауович	15.04.1982 ж	Созақ ауданының адами әлеуетті дамыту бөлімінің «Ш.Уалиханова атындағы жалпы орта мектебі» коммуналдық мемлекеттік мекемесі, мұғалім.	№2 округтік сайлау комиссиясы
Әбушахман Әділет Төтжанұлы	25.10.1997 ж	Созақ ауданы, Жартытөбе ауылы, Аққолтық елді мекені, Арқабаев көшесі №17	№14 округтік сайлау комиссиясы
Сугирбаев Баглан Канжарбекович	31.01.1985 ж	Халықты жұмыспен қамту және әлеуметтік бағдарламалар бөлімі. Әлеуметтік қызметкер Созақ ауданы, Таукент кенті, №132 үй, №136 кв	№1 округтік сайлау комиссиясы
Отыншиева Рабиға Шамақызы	27.04.1966 ж	«Ак Metal company» ЖШС директоры. Созақ ауданы, Шолаққорған ауылы, А.Омарбеков көшесі № 2	№2 округтік сайлау комиссиясы
Шәңке Ақерке Есенбайқызы	10.07.1979 ж	Созақ ауданының адами әлеуетті дамыту бөлімі мемлекеттік мекемесінің маманы. Созақ ауданы, Шолаққорған ауылы, М.Төлебаев көшесі №7	№3 округтік сайлау комиссиясы
Бабаева Гулзина Онгаровна	23.10.1967 ж	«Нәзір Төреқұлов атындағы ІТ-мектеп-лицейі» коммуналдық мемлекеттік мекемесі, мұғалім Созақ ауданы, Шолаққорған ауылы, М.Маметова көшесі №44	№5 округтік сайлау комиссиясы
Нұрланов Базарбай Нұрланұлы	13.07.1979 ж	«Нұрлан ата» ЖШС директоры, Созақ ауданы, Шолаққорған ауылы, Әйтеке би көшесі №16	№3 округтік сайлау комиссиясы
Есмуратова Гулшат Есбергенқызы	31.07.1967 ж	Созақ ауданының адами әлеуетті дамыту бөлімі мемлекеттік мекемесінің «Айшуақ» бөбекжай балабақша меңгерушісі Созақ ауданы, Шолаққорған ауылы, Бекжанұлы көшесі №9	№5 округтік сайлау комиссиясы
Бекишов Құрманғали Әбиұлы	24.03.1967 ж	Волковгеология» АҚ ГРЭ-5 филиалының директоры	№8 округтік сайлау комиссиясы
Топшақов Серік Әбілқасымұлы	23.02.1966 ж	Созақ ауданы, Таукент кенті, Мәңгілік көшесі №23 үй кв2 №1 кәсіптік колледждің есепшісі Созақ ауданы, Созақ ауылы	№9 округтік сайлау комиссиясы
Жамиев Ордабек Мырзабекович	12.11.1974 ж	Қарақұр ауылдық округі әкімі. Созақ ауданы, Қарақұр ауылы, Наурыз көшесі №89	№11 округтік сайлау комиссиясы
Айтбаев Алмас Сапарбайұлы	01.09.1976 ж	Созақ ауданының адами әлеуетті дамыту бөлімінің «Абай атындағы жалпы орта мектебі» коммуналдық мемлекеттік мекемесі директорының орынбасары.	№12 округтік сайлау комиссиясы
Балықбаев Ерзат Орынбасарұлы	27.02.1971 ж	Созақ ауданы, Тасты ауылы, Сейфуллин көшесі №22	№7 округтік сайлау комиссиясы
Әлібеков Жадыгер Амангелдіұлы	01.02.1975 ж	Жұмыссыз. Созақ ауданы Құмкент ауылы, Ж.Жабаев көшесі №15	№10 округтік сайлау комиссиясы
		«Жадыгер» ЖШС директоры. Созақ ауданы, Созақ ауылы, Шылманбетов көшесі №49	

Созақ аудандық аумақтық сайлау комиссиясы.

Алғыс білдіремін

Адам болған соң «бас ауырып, балтыр сыздамай» тұрмайды. Оның үстіне жасың ұлғайған сайын да қылтың сылтың көбейе береді екен ғой. Оған да шүкіршілік. Елуді еңсерсек те, күнделікті күйбің тірлікпен анау мынау кеселдерге мән бермей жүре береді екенбіз. Ауырсынып бей жәй хәлге түскенде алғашқы көмекті алып, майда шүйде ем дом жасап, басылған соң бәрін ұмытып жүре береміз. Терең мән беріп, нақты маманнан ем алуды ойламаймыз. Осылай жүре беріп, жуырда жүректен приступ беріп, соңы отамен аяқталды.

Айтпағым маған отаны Шымкент қаласындағы «Жүрек» орталығында жасады. Ота сәтті өтті. Отаны аритмолог, кардиолог, рентгенхирург Есенбеков Берикбай Құралбаевич (документінде осылай екен) басшылығымен, нұсқауымен бірнеше дәрігер жасады. Отыз беске енді келген жас жігіт мықты, білікті маман екенін байқатты. Риза болдым. Пациентпен сөйлесуі, диагнозды түсіндіруі, емді, операцияны түсіндіруі, сөйлеу манерасы, сөз қоры бәрі керемет. Үш тілде еркін сөйлеген мықты маманға шексіз риза болдым. Алла разы болсын. Рақмет сізге дәрігер Берік Құралбайұлы!. Кардиоорта-



Бірақ, заман талабына сай болса...

лықтың яғни «Жүрек» орталығының, өзім ота жасатып, ем алған аритмология бөлімінің барлық емдеушілеріне, нақты айтқанда дәрігерлерге, медбикелерге, кіші қызметкерлерге үлкен рақмет. Шексіз алғысымды білдіремін. Сонымен қатар, осы орталықта ем алуға жол көрсеткен аудандағы дәрігерім Созақ аудандық орталық ауруханасының кардиологы Ахатаева Ұлдар дәрігерге де ризашылығымды білдіремін. Менің аудандағы дәрігерім. Үнемі қадағалап, бақылап, емдеп жүрген. Әрине Аллаға

шүкір, ота сәтті өтті. Ем жақсы жалғасуда. Барлығы білікті мамандардың арқасы. Алғысым шексіз. Десекте, бүгінгі таңда жүрек кеселі ел ішінде етек жая бастағаны байқалады. Елімізде ем алатын, ота жасайтын мықты орталықтардың болғаны қатты қуантады. «Жүрек» орталығы мықты мамандармен толықтырылғаны байқалды. Маман дәрігерлер озық технологияларды қолданысқа енгізіп, іске асырып отыр. Медициналық жабдықтар да заман талабына сәйкес, халықаралық стандартқа сай кө-

рінді. Озық технологияларды қолдану үшін мықты озық оборудование керек екені белгілі. Бәрі жақсы. Десек те, осындай мықты мамандары бар, күрделі оталар жасап жатқан «Жүрек» орталығына мемлекет тарапынан назар аударылып, материалды қолдау көрсетілгені абзал деп ойлаймын. Операциядан шыққан науқастарға талапқа сай жағдай жоқ. Науқастар жататын палаталар сын көтермейді. Төсек жабдықтар, ас апараты, жалпы инвентарға дұрыс көңіл бөлінсе дейсің. Бүгінгі заманауи та-

лапқа сай аталған орталыққа бір күрделі жөндеу жүргізілсе нұр үстіне нұр болар еді. Осы мәселені ел игілігі үшін мегаполис әкімдігі, қалалық денсаулық сақтау басқармасы назарға алып, көңіл бөлсе, дұрыс болар еді.

Алла бұйыртса талай науқас барып ем алатын орталық жарқырап тұрса дегенім ғой. «Жүрек» орталығының барлық дәрігер мамандарына, медбикелерге, жалпы ұжым қызметкерлеріне тек сәттілік тілеймін.

Нұржамал МАЙУСОВА,
Журналист.

ЖОЛ БОЙЫНА ҮЙ
ЖАНУАРЛАРЫНЫҢ
МУЛЯЖДАРЫ ҚОЙЛДЫ

Созақ ауданындағы ең қауіпті саналатын облыстық маңызы бар жолдардың бойына үй жануарларының муляждары орнатылды. Атап айтқанда, Шолаққорған – Шымкент бағытына 2 дана, Шолаққорған – Түркістан бағытына 1 дана және Шолаққорған – Таукент бағытында 1 дана белгі қойылды. Аталған жолдарда ірі қара мал көп жүреді. Ірі қара малдың макеті алыстан анық әрі шынайы көрінеді. Бұндай жылдамдықты бәсеңдетуге ескерту жасайтын белгілер ауданда алғаш рет тұрғындардың қауіпсіздігі үшін қойылып отыр.

– Белгілер жол-көлік оқиғаларының алдын алу, тұрғындардың қауіпсіздігін сақтау мақсатында орнатылды. Түйе, жылқы, сиырдың муляжын арнайы мал жайылымы тұсына орнаттық. Себебі бұл аймақтарда ірі қара мал мен көлік соқтыққан жағдайы кездесіп қалады. Алдағы уақытта өз нәтижесін беріп, оқыс оқиғаларды азаяды деп сенеміз, – дейді аудандық тұрғын үй-коммуналдық шаруашылығы жолшылар көлігі және автомобиль жолдары бөлімінің басшысы Дәулет Құдайбергенов.

Бұл жұмыстар жалғасын тауып, елді мекендер арасында ірі қара және майда малдың макеттерінің санын арттыру жоспарлануда. Мұның барлығы аудан халқына және келуші қонақтарына жол қауіпсіздігін сақтауды ескертіп, оқыс оқиғалардың алдын алуға үлкен септігін тигізеді.

«Созақ үні»-ақпарат.

(Басы 4-бетте).

Көпекеннің достары өте көп болды. Соның бірі Сәкен Ниязбеков Шолаққорғанда бас дәрігер болды. Шымкенттегі пединститутта аға мұғалім болған Жұмағали Мақашев, ауданның Құрметті азаматы Сексенбай Тұрысбековтар болды. Сексенбай мен оның зайыбы Ұрзадамен пединститутта бірге оқығанбыз. Мен ұлт мектептерінде сабақ беретін бөлімінде, Сексенбай тарих факультетінде, Ұрзада қазақ тілі мен әдебиет факультетінде оқыды. Мен оларды бұрын танимын. Бір күні Көпжасар түске таяу сабақтан үйге келді де: «Сара дайындал мектепке комсомол хатшысы, бір жігіт келді. Онымен мен Шолаққорғанда бірге оқығанмын», деді. Дайындалып отырмын сағат 5-те келді. Қарасам Секең!

Бірден танып: «Ой Сара! «сен қайдан жүрсің бұл жақта» деп екеуіміз құшақтасып, амандасып жатырмыз. Содан ол Шолаққорғанда Көпекенмен бірге оқығанын айтып мәресі болды та қалдық. Сол кезден бастап таныстығымыз достықпен жалғасты. Алматыда Тұрлыбек деген жолдасы болды. Мен ойлаймын семьяда бала не көрсесе соған бейімделеді екен. Осы күні балаларым Бақытжан, Бауыржан, Бүркіттің де достары көп. Ер адамның достарының көп болуы алған жарларына да байланысты. Келіндерім Нұрғайша Ұлпанда келген қонақтарды бар ықыласымен күтіп шығарып салады. Себебі оларды ата-аналары солай тәрбиелеген. Көпекеннің жақсы жолдасының бірі Аманжол Тұрабаев еді. Ол аурухананың бас дәрігері болды. Жастары алшақ болса да екеуі бірімен қатты сыйласты. Аманжолдың зайыбы Дариға менімен бір мектепте бірге жұмыс істеді. Биоло-



гия пәнінен сабақ беретін. Біз араласып жақсы сыйластық. Балалары өскен соң бір-бірін қалап ұлым Бақытжан Аманжолдың қызы Нұрғайшаға үйленді. Сөйтіп біз құда болдық. Келінім Нұрғайша да пысық, тәрбиелі болып шықты. 5 ұл қыздың анасы болды. Дос құрбыларына сыйлы болды. Үлкен ұлы Бекзатты біз апамның баласы деп жақсы көрсек те білдірмедік. Біз өзіміз Көпекен екеуіміз үлкен ұлымыз Бақытжанды апам мен атамның баласы деп икемдей алмадық. Содан болар Бақытжан менің атымды атап, өсіп ержетті. Бауыржан мен Бүркітті өзіміздің баламыз деп атадық. Мектепте жұмыс істеп жүргенде мен жақсы араласатын құрбы

құрдас, сіңлілерім болды. Олар Садыбекова Жақсыкүл әрі құрбым. Қиясова Дариға құдағым, Божанова Фатима, Үмітай әпкемнің келіні Оразбаева Алмагүл (келін еді қайтыс болып кетті) өте жақсы өз сіңлімдей көретін Нұрдида (география пәнінің ұстазы) Ермаханова болды. Екеуіміздің анамызда бір бірімен жақсы араласты. Біздің кезімізде білімді, ұлағатты ұстаздар көп болды. Мысалы Сатыбалды, Қанибек, Қалабек, Орынбек, Орынбасар, Пәрімбек т.б. біз бұл ағайлардан көп сабақ әдістемелерін үйрендік. Бұл кісілер жас мұғалімдердің сабағына қатысып, ақыл кеңестерін үйретіп отыратын. Анам туған абысыны Қызылгүл

апаммен бірге тұрды. Жеңеміз Ермак (қыпшақ. Мамамызға жақын ағайынның қызы. Сейтжаппар деген кісінің Үмітай деген әпкеміздің қызы) Көкем үш балалы болғанша бірге тұрдық. Кейін оқу бітіріп «Красная Нива» совхозына инженер болды. Дінмұхаммед Қонаев осы совхозда болып ағамның жұмысына деген ризашылығын білдіріпті. Оныншы класстағы оқушым Оразхан Анарбекұлының сыйға берген 2 кітабын екінші рет оқып отырмын.

**Сара САРМАНОВА,
«Еңбек ардагері», «Алтын алқа» медалдарының иегері,
ардагер ұстаз.
(Жалғасы бар).**

Тілім менің-таусылмайтын байлығым!

Мемлекеттік тілдің абыройын асқақтату – әрбір азаматтың борышы. Себебі, біздің болмысымыз, салт-дәстүріміз, дініміз, мәдениетіміз қазақ тілімен біте қайнасып жатыр. Өзге ұлт өкілдері болсақ та туған еліміздің мемлекеттік тілін білуге міндеттіміз. Өйткені, тіл-ата-бабамыздан бізге қалған аманат. Тілдің көмегімен өнерді, білімді, ғылымды игереміз, өткен-кеткенімізді саралап, сабақ аламыз. «Өнер алды – қызыл тіл» деген осыдан шыққан болар. Тіл халықпен бірге жасайды, өркендейді. Тәуелсіз Қазақстанның көгінде көк байрағымыз желбіреді, әр қазақтың жүрегінде Әнұранымыз айтылды. Қазақстан Республикасының тіл туралы Заңы бар. Ендігі біздің міндетіміз тілімізді сақтап, осы тілде сауатты жазып, ойымызды қазақ тілінде таза жеткізу, ардақтап құрметтеу.

Туған жерді риясыз сүю, тілді құрметтеу сынды игі қасиеттер менің бойыма мектеп қабырғасында жүргенде дарыған сияқты. Науайы атындағы мектепте оқи жүріп түрлі олимпиада, сайыстарға, жарыстарға қатысып, белсенді оқушылардың бірі болдым.

Отанға, жерге, тілге деген сүйіспеншілік қасиеттерді бүлдіршінің бойына балабақшадан бастап сіңіру қажет деген оймен, 2007 жылы 9 сыныпты бітіріп, Түркістан қаласындағы Түркістан гуманитарлық колледжінің «Мектепке дейінгі тәрбие» мамандығына түсіп, 2011 жылы үздік диплома иегері атандым. Онда да белсенді тәлімгерлер қатарында болдым. Колледжде «Мен болашақ үздік тәрбиешімін» байқауында «Бас жүлде» иегері атандым. «Тілім менің-тірлігімнің айғағы»

атты көркемсөз шеберлерінің сайысында I орын иелендім. 2011 жылы Шымкент педагогикалық университетіне «Педагогика және психология» мамандығына оқуға түстім. 2012 жылы Созақ ауылында «Созақ» бөбекжай-балабақшасына өз мамандығым бойынша тәрбиеші болып жұмысқа орналастым. Жұмыс барысында балалардың тіл тазалығы, дыбыстарды дұрыс дыбыстауға бейімдеу бағытында жұмыстар жүргізіп келемін. Басты мақсатым-бүлдіршіңдерді туған халқының тілін қастерлейтін саналы да парасатты азамат етіп тәрбиелеу, өз ана тіліне деген құрметін арттыру, тіл мәртебесін көтеру, таза сөйлеуге үйрету, өз ұлтына, еліне деген сүйіспеншілігін ояту. Бала тәрбиесімен айналыса жүре, 2020 жылы отбасы құндылығын нығайту, ұлттық дәстүрді құрметтеу мақсатында аудандық «Тілдерді оқыту және дамыту орталығы» КММ-нің ұйымдастыруымен өткізілген «Мақал-сөздің мәйегі» атты байқауға отбасымызбен қатысып, жүлделі I орынды иелендік. 2022 жылы «Тәуелсіз елім – Қазақстаным!» атты аудандық байқауға қатысып, II орын иегері атандым. Осы мекеме ұйымдастырған түрлі байқауларға тұрақты қатысу арқылы мемлекеттік тіліміздің этносаралық тіл ретінде дамуына өз үлесімді қосып келемін деп ойлаймын.

Тіл-мемлекеттің тұғырлы тірегі, халықтың рухани байлығы. Қазақ тілі-біздің рухани негізіміз. Біздің міндетіміз-оны барлық салада белсенді пайдалана отырып дамыту.

**Хуррият УШИБАЕВА,
«Созақ» бөбекжай-балабақшасының тәрбиешісі.**

Тіл-тәрбие діңгегі, тіл-білім, ғылымды игеру көзі, тіл-ұлттың жаны, мемлекеттің нышаны. Ел қорғайтын өр мінезді де, намыс пен жігерді де ата-бабаға ана тілі арқылы сіңдіреді. Жылдардан-жылдарға ұлаасып жинақталған мол тәжірибе мен білім қоры да ұрпақтан-ұрпаққа сол тілде жеткізіледі. Ана тіліміз арқылы салт-дәстүріміз қалыптасып, ұлттық нышан ретінде өріле түседі. Ана тілі арқылы ұлттық болмыс



мен ұжымда кішіпейіл болу. Ал мемлекеттік тілді білу-біздің ең қадірлі ұстаным. Балалар қалдырған құнды мұра - ана тілімізді сақтау және құрметтеу біздің осы өмірдегі парызымыз әрі міндетіміз.

«Өзге тілдің бәрін біл, өз тіліңді құрметте», - деп қазақ атамыз тегін айтпаған. Тіл-ұлттық діліміздің көрініс табатын әлеуметтік құбылысы, мәдениетіміздің биік тұғыры. Сондықтан тіл әлемдегі ұлттық мәдени-

МЕМЛЕКЕТТІК ТІЛДІ ҚОЛДАНЫС АЯСЫН КЕҢЕЙТУ-МАҢЫЗДЫ МӘСЕЛЕ

бітеді. Тілінен айырылған ұлт барлық құндылықтарынан ада болады десек те артық емес. Осы аталғандардың барлығы тәрбие, білім, дәстүр ана тілінің арнасынан бастау алғанда ғана біздің мемлекетіміздің тұғыры қат-айып, ішкі бірлігіміз нығайа түспек. Ата заңын сыйлайтын әрбір азамат ұлтына, тегіне қарамай, қазақша үйренуге міндетті. Осы ұстаным біздің темірқазығымыз болуы тиіс. Қазақстан Республикасының негізгі тілі-мемлекеттік тілді, яғни қазақ тілін құрметтеу, оны білу-біздің әрқайсымыздың асыл парызымыз. Мемлекеттік тілді бірінші кезекте, мемлекеттік мекемелерде жұмыс істейтін азаматтардың білуі заман талабы. Мемлекеттік тілді меңге-

рем деушілер үшін басты мәселе олар өздері үшін қазақ тілінің мәртебесінің биіктігіне көз жеткізуі керек. Еліміздегі мемлекеттік тілді дамытудың бағдарламаларына байланысты бүгінде барлық салада мемлекеттік тілдің қолданыс аясы кеңейгендігі даусыз. Қай сала болмасын, кіріс-шығыс, ішкі және жалпы құжат айналымындағы мемлекеттік тілдің, барша жұмыс жүйелері қазақ тілінде қаралып, атқарылып жатқандығы айқын. Бүгінде қазақ тілі мемлекеттік биліктің барша саласында лайықты биігіне көтерілді.

Жұртшылықпен жұмыс істеп жатқан соң, бізден сұранатын талап-әділеттік, өз ісін білу, түрлі ереже, нұсқаулықтармен танысып отыру, өз деңгейіңді көрсету, ең алды-

еттің ара қатынасында аса маңызды рөлге ие. Ел тәуелсіздігі-тіл тәуелсіздігі, тіл-ұлттың төлқұжаты, мемлекеттік тұғыры демекші, осы бағыттағы болашақтың берік іргетасы бүгін қалануы қажет. Әсіресе, өсіп келе жатқан жас ұрпақтың мемлекеттік тілде жұмыс істеуіне жақсы жағдай жасаумен қатар, мемлекеттік тілде іс жүргізуді де жүйелі қалыптастыру керек. Сонда ғана ана тіліміз өсіп-өркендеп, үлкен мәртебеге ие болады, қазіргі әлемде кең қолданыста жүрген тілдермен терезесі теңеледі.

**Қанат МЫҢЖАСАР,
Созақ АПБ-нің КСТ
аға инспекторы,
полиция аға лейтенанты.**

